



REPUBLIKA E SHQIPËRISË



Nr. 7939 Prot. Nr. 6308 Prot. Nr. 6044 Prot. Nr. 5908 Prot. Nr. 2018 Prot. Nr. 3809 Prot.
Dt. 29.07/2024 Dt. 30.07/2024 Dt. 31.07/2024 Dt. 30.07/2024 Dt. 30.07/2024 Dt. 29.07/2024

AKT THEMELIMI

Për krijimin e shoqërisë tregtare

“SHOQËRIA E TRAJTIMIT TË MBETJEVE URBANE TË QARKUT FIER” sh.a.

Ne ortakët themelues, sot në datë 29.07.2024, në cilësinë e personave juridikë publikë si më poshtë:

BASHKIA FIER, person juridik publik, me numër identifikimi NIPT K52905406F, njësi e vetëqeverisjes vendore, brenda territorit të Qarkut Fier, e krijuar bazuar në ligjin Nr.139/2015 “Për vetëqeverisjen vendore”(i ndryshuar), me seli në Fier, me adresë: Lagja “Kastriot, Rruga “Ramiz Aranitasi”, përfaqësuar nga **KRYETARI I BASHKISË FIER, Z.ARMANDO SUBASHI**.

BASHKIA PATOS, person juridik publik, me numër identifikimi NIPT J63208406B, njësi e vetëqeverisjes vendore, brenda territorit të Qarkut Fier, e krijuar bazuar në ligjin Nr.139/2015 “Për vetëqeverisjen vendore”(i ndryshuar) me seli në Patos, me adresë : “Shëtitorja Republika” Patos, përfaqësuar nga **KRYETARI I BASHKISË PATOS Z.FATJON DURAJ**.

BASHKIA MALLAKASTËR, person juridik publik, me numër identifikimi NIPT K17621104C, njësi e vetëqeverisjes vendore, brenda territorit të Qarkut Fier, e krijuar bazuar ligjit Nr.139/2015 “Për vetëqeverisjen vendore”(i ndryshuar) me seli në Ballsh, me adresë : “Lagja 18 Prilli, 9308 Ballsh”, Mallakastër, përfaqësuar nga **KRYETARI I BASHKISË MALLAKASTËR Z. QERIM ISMAILAJ**.

BASHKIA ROSKOVEC, person juridik publik, me numër identifikimi NIPT L63327402A, njësi e vetëqeverisjes vendore , brenda territorit të Qarkut Fier, e krijuar bazuar në ligjin Nr.139/2015 “Për vetëqeverisjen vendore”(i ndryshuar) me seli në Roskovec, me adresë “Lagja nr 1, Qendër” Roskovec, përfaqësuar nga **KRYETARJA E BASHKISË ROSKOVEC, ZJ. MAJLINDA BUFI**.



BASHKIA LUSHNJË, person juridik publik, me numër identifikimi NIPT **J64324443V**, njësi e vetëqeverisjes vendore, brenda territorit të Qarkut Fier, e krijuar bazuar në ligjin Nr.139/2015 “Për vetëqeverisjen vendore” (i ndryshuar) me seli në Lushnjë, me adresë , Lagjia “Lagja Kongresi” Lushnjë, përfaqësuar nga **KRYETARJA E BASHKISË LUSHNJË, ZJ. ERISELDA SEFA**.

BASHKIA DIVJAKË, person juridik publik, me numër identifikimi NIPT **L64613402K**, njësi e vetëqeverisjes vendore, brenda territorit të Qarkut Fier, e krijuar bazuar në Ligjin Nr.139/2015 “Për vetëqeverisjen vendore”(i ndryshuar), me seli në Divjakë, me adresë “Sheshi Santa Barbara” Divjakë, përfaqësuar nga **KRYETARI I BASHKISË DIVJAKË Z. JOSIF GORREA**

Bazuar në *Ligjin Nr.139/2015 “Për vetëqeverisjen vendore”*, i ndryshuar, *Ligjin nr 9901 ,datë 14.04.2008 “ Për tregtarët dhe shoqëritë tregtare ”*, i ndryshuar, *Ligjin Nr 9723 , datë 03.05.2007 “Për rregjistrimin e biznesit “* i ndryshuar;

Në mbështetje të:

- *Marrëveshjes për krijimin e subjektit të përbashkët të trajtimit të mbetjeve urbane të Qarkut Fier të lidhur midis Bashkisë Fier (nr 9851 prot. dt.11.11.2022), Bashkisë Lushnje (nr 10108 prot. dt.14.11.2022), Bashkisë Divjakë (nr 5947 prot. dt 11.11.2022), Bashkisë Patos (nr 2670/1 prot. dt.11.11.2022), Bashkisë Roskovec (nr 10096 prot. dt 14.11.2022), Bashkisë Mallakastër (nr.5618 prot. dt.14.11.2022);*
- *Autorizimeve të dhënë me Vendimin nr 81 dt.27.09.2022 të Këshillit Bashkiak Fier, Vendimin nr 77 datë 13.10.2022 të Këshillit Bashkiak Patos, Vendimin nr 52 datë 28.09.2022 të Këshillit Bashkiak Mallakastër, Vendimin nr 69 datë 30.09.2022 të Këshillit Bashkiak Roskovec, Vendimin nr 92 datë 25.10.2022, të Këshillit Bashkiak Lushnjë, Vendimin nr 49 datë 26.10.2022 të Këshillit Bashkiak Divjakë;*
- *Miratimit, të draft-dokumentit të Aktit të Themelimit të Shoqërisë të kryer nga Këshillat Bashkiakë të secilës Njësi të vetqeverisjes vendore, respektivisht Vendimit nr 44 datë 15.04.2024 të Këshillit të Bashkisë Fier, Vendimit nr 31 datë 16.04.2024 të Këshillit të Bashkisë Patos, Vendimit nr 28 datë 17.04.2024 të Këshillit të Bashkisë Roskovec, Vendimit nr 24 datë 24.04.2024 të Këshillit të Bashkisë Mallakastër, Vendimit nr 58 datë 22.05.2024 të Këshillit Bashkisë Lushnjë, Vendimin nr 36 datë 14.06.2024 të Këshillit të Bashkisë Divjakë,*

Vendosim të nënshkruajmë Aktin e Themelimit të Shoqërisë Aksionare “SHOQËRIA E TRAJTIMIT TË MBETJEVE URBANE TË QARKUT FIER” me përmbajtjen si më poshtë vijon:



NENI 1

Forma juridike

1. Të themelojmë shoqërinë “**Shoqëria e trajtimit të mbetjeve urbane të Qarkut Fier**” sh.a në formën e një shoqërie aksionare, me ofertë private.
2. Në të gjitha aktet që do të nxjerrë shoqëria kundrejt të tretëve si dhe në të gjitha aktet e brendshme të saj, do të shënohet detyrimisht emri “**Shoqëria e trajtimit të mbetjeve urbane të Qarkut Fier**” sh.a., sipas përcaktimeve të bëra në këtë Akt Themelimi dhe në Statut.

NENI 2

Qëllimi i krijimit të shoqërisë

1. Qëllimi i krijimit të kësaj shoqërie aksionere është që nëpërmjet fushës së ushtrimit të veprimtarisë, sipas objektit të përcaktuar të saj , të përmbushë funksionin vendor dhe shërbimin publik për mbledhjen, largimin dhe trajtimin e mbetjeve të ngurta dhe shtëpiake, si dhe të prodhojë e të shesë energji elektrike që gjenerohet nga procesi i trajtimit të mbetjeve, sikurse parashikohet nga kuadri ligjor e nënligjor në fuqi.
2. Veprimtaria e kësaj shoqërie do të jetë me karakter ekonomik dhe qëllim fitimprurës.

NENI 3



Emri, logoja dhe vula e shoqërisë

1. Shoqëria do të ushtrojë veprimtarinë e saj në qarkullimin juridiko-civil me emrin “**Shoqëria e trajtimit të mbetjeve urbane të Qarkut Fier**” (SKP-TM) sha. Ajo do të ketë logon dhe vulën e saj.
2. Logoja do të përmbajë fjalë nga emri shoqërisë.

NENI 4

Objekti i veprimtarisë

1. Veprimtaria e shoqërisë do të jetë:
 - a) Trajtimi dhe përpunimi i mbetjeve urbane të grumbulluara nga zonat e shërbimit që mbulojnë territoret administrative të Bashkive Fier, Patos, Lushnje, Divjakë, Roskovec, Mallakastër, në përputhje me legjislacionin e mbetjeve, mjedisit dhe vetqeverisjes vendore. Grumbullimi, rehabilitimi dhe përpunimi i mbetjeve të ndryshme, në territorin administrativ të të gjitha bashkive të Qarkut Fier:
 - b) Trajtimi i mbetjeve me djegie (incenerator);
 - c) Prodhimi dhe shitja e energjisë elektrike;



- d) Aktivitete të tjera në fushën e përpunimit të mbetjeve, që lejon ligji, për interesat e shoqërisë dhe të komunitetit:
2. Shoqëria, brenda kufijve të parashikuara nga legjislacioni në fuqi, do të kryejë çdo operacion tregtar dhe financiar që lidhet drejtpërdrejt ose tërthorazi me objektin e saj.
 3. Shoqëria do të kryejë aktivitetin e saj pas marrjes dhe në përputhje me liçensat apo lejet përkatëse sipas legjislacionit në fuqi.

NENI 5

Selia e shoqërisë dhe afati i veprimitarisë.

1. Selia e shoqërisë tregtare “**Shoqëria e trajtimit të mbetjeve urbane të Qarkut Fier**” sh.a do të jetë në Fier, me adresë : Njësia Administrative Mbrostar-Ura, ZK2636, Pasuria nr 1.
2. Shoqëria zhvillon aktivitetin e saj për një afat kohor të pacaktuar , duke filluar nga dita e regjistrimit të saj në regjistrin tregtar pranë Qendrës Kombëtare të Biznesit.

NENI 6

Kapitali themeltar

1. Kapitali themeltar i shoqërisë është 10.000.000 lekë (dhjetë milionë) lekë.
2. Kapitali themeltar i shoqërisë është i ndarë në 100 aksione të së njëjtës kategori me vlerë nominale prej 100.000 (njëqind mijë) lekë, për çdo aksion të shlyer për tërësinë e vlerës nominale të tyre. Aksionet janë të numëruara nga 1 deri në 100 aksione.
3. Aksionarët themelues të shoqërisë “**Shoqëria e trajtimit të mbetjeve urbane të Qarkut Fier**” sha.a zotërojnë në pronësi aksionet si më poshtë:

- **Bashkia Fier, zotëron 50.78 % të vlerës së aksioneve**, në kapitalin themeltar të kësaj shoqërie, të barabartë me 51 (pesëdhjetë e një) numër aksionesh, me vlerë 5 100 000 (pesë milionë e njëqind mijë) lekë.
- **Bashkia Lushnjë, zotëron 25 % të vlerës së aksioneve**, në kapitalin themeltar të kësaj kompanie, të barabartë me 25 (njëzet e pesë) numër aksionesh , me vlerë 2 500 000 (dy milionë e pesëqind mijë) lekë.
- **Bashkia Patos, zotëron 7.03 % të vlerës së aksioneve**, në kapitalin themeltar të kësaj kompanie, të barabartë me 7 (shtatë) numër aksionesh, me vlerë 700 000 (shtatëqind mijë) lekë.
- **Bashkia Roskovec, zotëron 5.47 % të vlerës së aksioneve**, në kapitalin themeltar të kësaj kompanie , të barabartë me 5 (pesë) numër aksionesh , me vlerë 500 000 (pesëqind mije) lekë.
- **Bashkia Divjakë, zotëron 7.03 % të vlerës së aksioneve**, në kapitalin themeltar të kësaj kompanie , të barabartë me 7 (shtatë) numër aksionesh, me vlerë 700 000 (shtatëqind mijë) lekë.
- **Bashkia Mallakastër, zotëron 4.69 % të vlerës së aksioneve**, në kapitalin themeltar të kësaj kompanie, të barabartë me 5 (pesë) numër aksionesh, me vlerë 500 000 (pesëqind mijë) lekë.



NENI 7

Përbërja e kapitalit të shoqërisë

1. Kapitali themeltar i shoqërisë do të jetë i përbërë nga kontributi në para dhe/ose në natyrë i aksionerëve themelues të kësaj shoqërie.
2. Kontributi fillestar në para do të jetë i përbërë nga shuma prej 10 000 000 lekë (dhjetë milionë) lekë, që është edhe vlera minimale e kapitalit themeltar për shoqërinë.
3. Jo më pak se një e katërta e vlerës nominale të aksioneve (kapitalit të shoqërisë), në shumën 2 500 000 (dy milionë e pesëqind mijë) lekë është depozituar nga Bashkia Fier në Degën e Thesarit Fier, në llogarinë "Shoqëri në Formim e Sipër", deri në datën e nënshkrimit të këtij akti themelimi.
4. Pas regjistrimit të shoqërisë, kjo shumë do të kalojë në llogarinë e kësaj shoqërie, që do të çelet pranë Bankës RAIFFEISEN dega Fier. Në llogarinë e shoqërisë çelet llogaria "Fondi themeltar i aksionarit", ku regjistrohet vlera e kapitalit të tij.

NENI 8

Organet drejtuese

1. Duke ju referuar ligjit nr 9901 datë 14.04.2008 "Për tregtarët dhe shoqëritë tregtare (i ndryshuar), organet drejtuese të shoqërisë janë si më poshtë vijon :
 - Asambleja e Përgjithshme e Aksionarëve - organi me i lartë vendimarrës;
 - Këshilli Mbikqyrës - organi i mbikqyrjes;
 - Administratori - organi ekzekutiv dhe administrativ i shoqërisë.

NENI 9

Këshilli Mbikqyrës

1. Këshilli Mbikqyrës përbëhet nga 3 deri në 21 antarë, të cilët nuk mund të jenë njëkohësisht dhe administratorë të shoqërisë. Ata zgjidhen nga Asambleja e Përgjithshme me shumicën e votave të aksionarëve që marin pjesë.
2. Aksionerët e shoqërisë kanë të drejtë të përzgjedhin secili nga 1 (një) anëtar në përbërjen e Këshillit Mbikqyrës, me përjashtim të aksionerit që zotëron paketën mazhoritare, i cili zgjedh 2 (dy) anëtarë.
3. Këshilli Mbikqyrës i parë i shoqërisë përbëhet nga 7 (shtatë) anëtarë, të cilët janë eaktuar si më poshtë:
 - **Z. Andius Olldashi**, i datëlindjes 30.07.1976, identifikuar me ID nr H607730016J, përfaqësues i Bashkisë Fier
 - **Znj. Eleni Gjirkondaj**, e datëlindjes 01.02.1972, identifikuar me ID nr H25201041U, përfaqësues i Bashkisë Fier
 - **Z. Evis Qyra**, i datëlindjes 15.06.1986, identifikuar me ID nr I60615138O, përfaqësues i Bashkisë Lushnjë



- **Z.Eris Stambolliu**, i datëlindjes 06.09.1989, identifikuar me ID nr I90906019P, përfaqësues i Bashkisë Divjakë
 - **Z.Sokol Meta**, i datëlindjes 19.06.1988, identifikuar me ID nr I80619095C, përfaqësues i Bashkisë Patos
 - **Znj. Delina Hoxha**, e datëlindjes 30.12.1990, identifikuar me ID nr J06230017K, përfaqësues i Bashkisë Roskovec
 - **Z.Guri Nuhaj**, i datëlindjes 12.02.1975, identifikuar me ID nr H50212080T, përfaqësues i Bashkisë Mallakastër
4. Kohëzgjatja e mandatit të anëtarëve të Këshillit Mbikqyrës të parë do të jetë 3 (tre) vjet dhe fillon nga data e nënshkrimit të Statutit të Shoqërisë. Ata kanë të drejtë të rizgjidhen.
 5. Këshilli Mbikqyrës, nga përbërja e tij, zgjedh një kryetar dhe një zëvendëskryetar, që ngarkohen me organizimin dhe zhvillimin e mbledhjeve të Këshillit. Ata ushtrojnë funksionet e tyre gjatë gjithë periudhës së mandatit të dhënë. Kryetari i Këshillit Mbikqyrës zgjidhet nga përfaqësuesit e aksionerit që zoteron paketën mazhoritare të aksioneve, ndërsa zv kryetari zgjidhet njëri prej përfaqësuesve të aksionerëve të tjerë.

NENI 10

Administratori

1. Shoqëria drejtohet dhe administrohet nga Administratori, i cili zgjidhet për një afat 3(tre) vjeçar, i cili fillon nga data e nënshkrimit të Statutit të shoqërisë.
2. Administratori i parë i shoqërisë tregtare **“Shoqëria e trajtimit të mbetjeve urbane të Qarkut Fier” sha** është **Z. ARJAN MUSA NDREU**, i datëlindjes 16.06.1962, me **ID nr: G20616011G**
3. Shoqëria përfaqësohet para çdo organi administrativ, gjyqësor, enti publik apo privat dhe në marrëdhënie me të tretët nga Administratori i saj, i cili ushtron këto të drejta në përputhje me Statutin e shoqërisë dhe legjislacionin në fuqi.

NENI 11


Ekspteri Kontabël

1. Shoqëria tregtare **“Shoqëria e trajtimit të mbetjeve urbane të Qarkut Fier” sha**, do të ketë një ekspert kontabël të autorizuar
2. Eksperti kontabël i autorizuar është Znj. Valentina Haxhi, e dtl. 27.05.1964, identifikuar me ID nr G45527050V, me nr licence 37 datë 31.01.2000

NENI 12

Autorizimi për procedurat e themelimit

1. Ortakët themelues autorizojnë Kryetarin e Bashkisë Fier si dhe çdo person të ngarkuar prej tij, për të aplikuar për regjistrimin fillestar të shoqërisë aksionare **“Shoqëria e trajtimit të mbetjeve urbane të Qarkut Fier” sha**, sipas kërkesave të: Ligjit nr 9723, datë 03.05.2007 “Për regjistrimin e biznesit”, i ndryshuar.



NENI 13

Të Tjera

1. Organizimi dhe funksionimi i shoqërisë, ngritja e degëve apo filialeve të saj, do të bëhet në përputhje me dispozitat e ligjit përkatës dhe statutit
2. Aksionarët themelues mund të vendosin, me vullnetin e tyre, për pjesmarjen në shoqëri të tjera dhe mund të krijojnë çdo lloj aktiviteti tjetër privat, përveçëse atij që mund të jetë konkurues me atë të shoqërisë tregtare "sh.a .
3. Mosmarrëveshjet për themelimin e shoqërisë zgjidhen me mirëkuptim nga aksionarët themelues dhe kur kjo nuk arrihet , ato zgjidhen nga gjykata kompetente sipas dispozitave ligjore në fuqi.

Aksionarët e shoqërisë:

1. **Bashkia Fier, përfaqësuar nga Kryetari i Bashkisë Z. Armando Subashi.**

Nënshkruar (Emër Mbiemër, firmë, vulë) _____

2. **Bashkia Lushnje, përfaqësuar nga Kryetarja e Bashkisë Znj. Eriselda Sefa,**

Nënshkruar (Emër Mbiemër, firmë, vulë) _____

3. **Bashkia Patos, përfaqësuar nga Kryetari i Bashkisë Z. Fatjon Duro.**

Nënshkruar (Emër Mbiemër, firmë, vulë) _____

4. **Bashkia Roskovec, përfaqësuar nga Kryetarja e Bashkisë Znj. Majlinda Bufi.**

Nënshkruar (Emër Mbiemër, firmë, vulë) _____

5. **Bashkia Divjakë, përfaqësuar nga Kryetari i Bashkisë Z. Josif Gorrea.**

Nënshkruar (Emër Mbiemër, firmë, vulë) _____

6. **Bashkia Mallakastër, përfaqësuar nga Kryetari I Bashkisë Z. Qerim Ismailaj,**

Nënshkruar (Emër Mbiemër, firmë, vulë) _____

